

Sesotho A: literature – Standard level – Paper 1
Sotho A : littérature – Niveau moyen – Épreuve 1
Sesotho A: literatura – Nivel medio – Prueba 1

Wednesday 4 May 2016 (afternoon)

Mercredi 4 mai 2016 (après-midi)

Miércoles 4 de mayo de 2016 (tarde)

1 hour 30 minutes / 1 heure 30 minutes / 1 hora 30 minutos

Instructions to candidates

- Do not open this examination paper until instructed to do so.
- Write a guided literary analysis on one passage only. In your answer you must address both of the guiding questions provided.
- The maximum mark for this examination paper is **[20 marks]**.

Instructions destinées aux candidats

- N'ouvrez pas cette épreuve avant d'y être autorisé(e).
- Rédigez une analyse littéraire dirigée d'un seul des passages. Les deux questions d'orientation fournies doivent être traitées dans votre réponse.
- Le nombre maximum de points pour cette épreuve d'examen est de **[20 points]**.

Instrucciones para los alumnos

- No abra esta prueba hasta que se lo autoricen.
- Escriba un análisis literario guiado sobre un solo pasaje. Debe abordar las dos preguntas de orientación en su respuesta.
- La puntuación máxima para esta prueba de examen es **[20 puntos]**.

Ngola manollo ea bongoli le puo qotsulong e le 'ngoe. Karabong ea hau u tlameha ho ipapisa le lipotso tse peli tse fanoeng.

1.

Ho ne ho setse khoeli tse peli bo-Thuso ba ngola lihlahlobo tsa makhaola khang ho leba foromong ea bobeli. Kajeno lena ba ne ba tlii'o hlobola lebitso la "manyoe" kapa "lintja." Tichere ea bona ntate Tšeliso o ne a hlola a re ho bona, "*Prepare yourself for your final examinations. Failing to prepare yourself to pass the examinations prepare yourself to fail.*"

5 Mantsoe a tichere eo e ne e le mantsoe a matla haholo, a mpang a bolela feela hore bana ba itlhophele lihlahlobo, haeba ba hloleha ho etsa joalo, ba itlhophele ho feila. E mong le e mong o ne a rata ho itlhophela ho pasa, e seng ho feila. Mantsoe ana a ile a sebetsa haholo bathong bana, 'me ho ile ha bonahala boikitlaetso bo tšabehang ngoaneng ka mong.

10 Ka Labone le leng Thuso o ile a ikutloa a se monate, a e-na le mokhathala o mongata. A utloa a le botsoa le ho hlatsoa liaparo tseo a neng a tla tsamaea ka tsona; kaha a ne a lakalitse hore khalo koana hae ka Labohlano. Hape ntho e neng a etsa hore a fele a ee hae, ke hore o ne a ile a fumana molaetsa ka tichere hore ho na le molaetsa o fihlileng sekolong moo o 'matlang hae. Molato ke eng, motho oa batho ha a tsebe. O ile a ba le pelaelo tabeng ena haholo hoba tichere Tšeliso le eena o ne a shebahala a sa thaba. Tichere o ne a bua le Thuso

15 a fiela fatše ka lintši, a hlile a hana ho sheba Thuso mahlong. Thuso o ile a ba le khoao ea hore e lokela ebe ho na le litaba tse hlahileng hae koana. "Ebe hae koa ba se ntse ba loana ba tseka maboella banna. Oho hle banna!"

"Hona hobane'ng ha ntate Tichere a bile a mpotsa hore na ke tla ba le chelete ea ho palama, a bile a mpha chelete e kaalo ka leshome la liponto?" Ke eena eo. Mantsiboea ha a ntse a buletse seea-le-moea a e-na le bashanyana bao a lulang le bona, a bile a ntse a khabela moroho, o se a utloa litsebisong tsa mafu ho tsebisoa ka lefu la 'm'ae, 'me a re: "Tholang re mamele" kaha ba ne ba ntse ba bua 'me kapele-pele a rutloloha, a rata ho leba hae hang-hang. Ba potlaka ba mo qhautsa, ba mo hanela, ba mo rapela ba ntse ba mo tšelisa. Seboko e le se ntšang koena bolibeng.

25 Litaba tsena tse bohloko-hloko li ile tsa etsa hore Thuso a ikutloe a sulafaletsoe ke ntho e 'ngoe le e 'ngoe. A sulafaletsoe ke bophelo le sekolo. Thuso o ile a sesa bosiu boo a sa robala, a nahana hona le hoane. A labalabela ho haola le masiu ho leba hae. O ne a lakatsa ho tseba se jeleng 'm'ae. Bashanyana ba babeli bao a lulang le bona, Teboho le Molefe, ba ne ba hlophile hore ba tla ea kopa tumello sekolong kapa ba etse lengolo le bolelang hore ba tla ba

30 sieo lihlopheng tsatsing leo kaha ba tla felehetsa Thuso ho ea Kolo.

A hana ha bo re tšekhe motho oa Kolo, a tsoha a se ntse a hlopha thepa ea hae. A topela liphahlonyana tsa hae ka mokotlaneng hampe feela. Thoto eka ea lehlanya ka mokotla o sa koeleheng. Liphahlo tse ling li hlaheletse ka ntle, li lepeletse feela. Ho hlapa teng a hla a hana, a bona eka o tla lieha. Ba tsamaeang le eena ba mo qobella empa le teng

35 a iphotla sefahleho feela. Letsetlela eka la malimo. Lipitsa tsona a li tlola holimo feela li ntse li hlahlabetse meroho le lipapa, a re li se li tla sala le ba salang.

M N Phiri, *Khoeli e apohetsoe ke maru, Lefa la Kajeno* (2000)

- (a) U fumana thuto efe ka boemo ba litaba qotsulong ee esita le ka se etsahalang kelellong ea Thuso?
- (b) Manolla maqiti a sebelisitsoeng ke sengoli ho fetisa maikutlo a sona ka boemo bona.

2.

Litsietsi tsa Motho

- Ke bina le tšitoe, ke thohothetsoe,
Etlere ke bina e 'ne nkhopotse,
Kokoan'a seratoa ke balisana naheng,
Nkhopotse litsietsi mathata a me.
- 5 Ka re ke memetsa, mekhosi ka e hloka,
Khutsana ka hloephetsaka lemina.
Mekhosi ea matlotlo le maiketlo,
Ntho li rata ha u eme hantle.
U tene sute u be lejethe.
- 10 Ke ee ke shebe holimo, ke lelale,
Ke bue le Ntat'a Rona oa Maholimo
Tania ke li bala tootela,
Ke kopa thuso ho Peterose,
Esita le Maria 'M'a Jehofa
- 15 Sebala-buka se bala lesaoana,
Temana ea Bibeke ke e tseba ka hlooho,
Ke e tseba sengoli, ke tseba seqapi.
Ka ba lejakane ngoana oa moruti,
Empa tsietsi ke tseo li ntlhoele holimo.
- 20 Ekaba joale molimo oa toka o kae?
Ebe o teng oa bafo le mafutsana
Tsatsi-tsatsi likela kea robala,
Lebanta lea khoehla, ke lapile,
Ke tla bina lifela ke tutubetse,
- 25 Maholimo le 'ona mafatše,
A hlokile khotatso, kea lla,
Ke saa bua sa bapofeta,
Ke bue sa batho ba mangolo,
Ke re: Molimo oa ka, u ntlohelletse'ng na?

[...]

P M Bereng, *Masa-A-Kokometse* (1981)

- (a) Manolla kutloisiso ea hao ka boemo le maikutlo a mopheti oa litaba thothokisong ena.
- (b) Sethothokisi se sebelisitse maqiti afe ho fihlella sepheo sa sona sa ho ama 'mali maikutlo?
-